

卷之四

閻丘詩集卷七

自題小秀埜四絕

并序

余不到京華十有一年矣家居卜築秀埜草堂五  
架三間傍花映竹幾作忘世之想今春復理裝北  
上雖呻唵羸背而醉歡睡興無日不在夢寐中也  
入都後于宣武門西三忠祠內僦屋數椽推窗北  
望雉堞雲橫草深院落頗覺蕭疎可愛因屬海寧  
查二德尹顏之曰小秀埜漫賦四絕望諸君子屬

和焉

數間小屋倚城西。紙閣屏風新品題。堪笑生涯同燕子。  
春深到處好添泥。

遶牆新插翠芭蕉。根護薔薇粉欲銷。試聽雨聲催葉響，  
秋來無限可憐宵。

睥睨雲橫日乍舒。北窗景物最蕭疎。香風怪底穿簾入，  
隔岸誰家走鈿車。

草堂春柳正鬢髭。芍藥紅闌漸著花。生怕夢歸難識路，  
却教移得到京華。

附和詩

海寧查嗣琛德尹

可能容易買林泉。種石三年樹十年。拋向春風應笑

汝米家燈上想風煙。

米園號風煙里以身繫朝班不能時往因畫圖燈上以當卧遊故一時有米家燈是米家園之句

雉參差映柳模糊借與軒窗作畫圖。若種芭蕉愁聽

雨種花先要種文無。

原詩有秋來無限可憐宵之句輒戲嘲之

紙閣三間護竹屏。越吟纔罷酒微醒。也知洵美非吾

土，不用劉郎蜀舍銘。

蜀王萬寓鄭未嘗一日忘蜀也檨其居曰蜀舍劉跋為作蜀舍銘

一片波光拂檻流。西山晴翠壓牆頭。書聲燈影微茫

裏，差勝蘇州隔秀州。

余寓舍與小秀林比鄰

新城王士禎貽上

屋上青山看鄧尉。門前流水即滄浪。中間五畝閒花

竹，何似君家舊辟疆。

前身慧業應金粟。家世風流是玉山。他日凌風一相

訪，閒吹鐵笛過雲間。

新卜瓜廬鄩杜旁。也知丘壑道難忘。移來妙喜須臾

事，况有青山似故鄉。

輕帆明日下吳頭歸去滄浪踏釣舟

時俠君將歸吳門

寄語西

堂尤老子妒渠高臥太風流

尤悔菴太史家近滄浪亭明年八十

慈谿姜宸英西溟

小園新占在城西依舊蓬蒿三徑迷或恐羊求來未識鹿柴莫汧自留題

年前憶得南州話劇飲論詩可怕人

徐司寇公語余云早間聽俠君談詩殊可畏也

今日逢君湖海氣老夫情味轉相親

想像家園有幾分蕉心雨展綠蘿紋若教稱是江南

景檻外還須著此君

笑我心情冷似灰卜居何意傍琴臺

今日移居湯編修邸中頗慙衰老未稱此居故

及羅希寶壓知無用但覓吟風榿木栽

太倉唐孫華實君

蘧廬聊復寄長安油紙泥窗俯藥欄輸却故園一段

好梅花繞屋竹千竿

寂寞空齋枕手眠愁人非必次寥天落花風雨三更

後縱是春宵也可憐

名園泉石憶曾探沸耳笙歌逐酒酣禪榻蕭然聊偃

息歡場只少舊何戡

己巳冬俠君徵合郡名伶張樂秀林堂中余亦得陪歡讌今諸伶或物故或走四方追思盛集

不可復得矣

清詞藹藹吐春雲好友連坊張一軍

謂德尹

便擬池邊栽

二柳北山猿鶴慢移文

嘉定孫致彌愷似

斜枕銀灣背碧城，閒門曲折小窗明。  
渾忘宣武街前鬧，只似閭丘坊裏行。

紅碧牙籤四部陳，吟殘長日短檠親。  
誰知九陌槐黃候，亦有江南閉戶人。

朋好經過命酒鎗，吳酸還促絮南烹。  
依然錦石鄰林畔，滿座三儂笑語聲。

不遣紅塵近碧紗，新移蕉竹翠交加。  
尋香蜂蝶空偷眼，爭識吳王苑內花。

侯官張遠超然

僦居摒擋似山齋，廟市花時亦自佳。  
小秀埜如真秀埜，上斜街接下斜街。

廟市逢日花樹甚盛在下斜街

梨花輸白柳輸青，束筍詩箋鬪筍屏。  
時拂塵埃時洗研，未爲慙媿草堂靈。

陸居非屋水非舟，種得芭蕉待好秋。  
米甞長安休悵惘，人間猶有望京樓。

北居何物勝江鄉，入夏無蚊夜自涼。  
終遜妙嚴墩子下，蕩花環作一堂香。

秀埜堂在妙嚴墩傳是梁妙嚴公主冢

嘉定張雲章漢瞻

屋下流泉屋上山，君家五畝占寬閒。  
一廛帝里栽花竹，物色何曾判秀頑。

風光秀埜不爭差，真有隨身寧極齋。  
坡翁題寧極齋詩有寧極無常居此齋自隨身之  
只恐故山猿鶴怨，勒移驛路到天街。

坐階來為覓芭蕉都下新傳歌且謠倒卷葉心書紙  
樣笑他皮相咏靈苗路德延有芭蕉詩傳于都下  
街西查浦為鄰竝查浦德尹別字和詩見前只當蘇州與秀州爭買花  
枝種牆曲煙紅露綠入簾鈎

長洲吳廷颺山崙

總是蘧廬陋不妨紅塵忒覺異江鄉詩人心眼真奇  
絕到處吟哦有草堂  
城角笳聲白髮新窗間月色綠樽頻寺僧莫訝連宵  
過元是吳門舊酒人  
嫩柳新蒲列屋隅依稀一幅草堂圖狂生獨減當年  
興拇戰時時百棧輸

亦是天涯亦是家餅花幾朵護窗紗江頭畢竟漁磯  
好淨少風塵不用遮

桐城劉輝祖北固

我住張融岸上船因君還費短驢錢此間不是予都  
觀底事劉郎絕可憐

夢裏姑蘇耗午眠起看斜照女牆邊冬冬門外都猜  
著不是詩狂即酒顛

海寧曹三才希文

填街車馬接城闈二仲還堪作比鄰謂查浦丹丘筆壘奚囊  
新拂拭江南人物帝京塵

雖無花簇千莖竹種得芭蕉過短牆只恐五更和雨

聽夢回酒醒憶江鄉

桃花一簇竹千莖愁人最怕五更天俠君自題秀林堂句也

泰州宮鴻曆友鹿

宣武門坊二尺泥棟花風緊雨濛迷騎驢看客非君  
事且築新豐續舊題

負釜經行僦屋居飯鐘粥鼓亦吾廬署將秀塾何言  
小一榻看他地有餘

生怕街泥浣客髭半窗晴日但支頤柳絲榆莢吹都  
盡櫻筍江鄉上市時

縞紵生平定有神愷之只尺是通鄰竭來文酒俱才  
俊車畔應無戴笠人

商丘宋至山言

城隅僻絕足棲遲風物江南繫客思垂柳更添三兩  
樹草堂也似我西陂

小住長安日閉關吟深不覺旅愁刪推窗偏坐西南  
望辨出層層朶朶山

連宵雨過逢初霽蕉葉藤梢一色新埽地焚香纔靜  
坐敲門恰好到詩人

吳閶使院共相羊開落梅花春晝長今日吟君詩卷  
好却教客夢付滄浪

使院有小滄浪

武進錢名世亮功

綠浪紅闌百舍違三間參佐且相依後門無限金溝  
水也有青楊絮撲衣

叢書板閣如韓宅妨帽檐低似庾園恣買豐臺千芍  
藥洧川風物滿階翻

門外車音日殷雷門無客到不輕開紅塵若道能侵  
物牆角青山底處來

方牀曲几自蕭疎小啜香茶檢異書便是阿瑛觴詠  
地不須頻憶玉山居

長洲王德脩用儀

千里奚囊獨往還別開秀埜倚銀灣休嫌無物供詩  
筆看取城西一角山

嫩綠新紅掩徑苔眼前花木一時栽長房壺內無多  
地却為詩人拔宅來

溟濛香氣透簾櫳隔岸輕車鬪晚風何似妙嚴臺畔  
路夜深環珮月明中

風物依然舊草堂斷無歸夢動離腸順承門外斜陽  
裏只有槎翁憶故鄉

槎翁句云順承門外斜陽裏蒼花開似故鄉

太倉吳暲元朗

碧樹青山吏部家百年水石鬪清華馮君夢到南園  
路三分脩篁一分花

數行槐柳女牆邊那比山居野性便略似東坡呼種  
菜宜秋門外小庭前

論詩把酒萬人降花氣時聞散玉缸賴有西山供客  
枕故將幽意落吟窗



朝看屋角一峰雪苦憶梅花萬樹雲若向紅塵動西  
笑我當舉白一浮君

大興方辰共樞

牙籤茗盃恣清歡移得佳名署屋端碧玉數枝香一  
縷渾忘門外是長安

芭蕉嫩綠影參差暑雨陰陰麥秀時想見鉤簾無箇  
事小箋雲母寫新詩

參參垂柳畫檐齊一水斜橫界御隄隄上香車行不  
斷泥人花氣短牆西

望裏西山過雨痕溪光樹色映清樽與君一巷分南  
北索醉尋花要款門

長白岳端兼山

聞君昔日隱吳中花竹參差地一弓秀埜草堂文酒  
會一時名譽沸江東

自從策馬至神京客裏看花易動情生怕夢魂思故  
國堂名仍用舊堂名

吳江陳萇玉文

老屋江東煙水重誰教移向九衢衝羨他十丈黃埃  
裏也著三間待士龍

無多花木最芬芳到處隨君結草堂怪底比鄰皆舊  
識西山爽氣北窗涼

日夕蕭閒逸興新倩他虛白敵紅塵西園北第渾忘

却只愛吾廬最可人  
雅集當年畫作殊只今故事尚堪娛  
誰于筆墨蕭然處添箇長安舊雨圖

嘉善柯煜南陔

閭丘宅裏拋三徑宣武門邊寄一枝  
胸次但餘巖壑在壺天瀟灑總相宜  
街南曲尺通花市屋後連環抱玉河  
料理西窗添六扇手招山翠入行窩  
松棚一搭蔽朝陽小院橫施六尺牀  
底用層冰思萬壑此心安處即清涼  
凝香窗戶絕纖塵認取跣趺習靜身  
舉似維摩剛十

笏也應著箇散花人

溧陽狄億立人

三間莫問屋東西客到從渠壁上題  
早買斜街花百本券驢馱水灌香泥  
蓮莖吸酒字書蕉長夏光陰最易消  
牆角忽看槐已綠急開行笈課中宵  
三策天人董冲舒窺園無夢與花疎  
北河待詔承恩易不用君王聘赤車  
荀藤一架欲鬚髭不是尋常故國花  
曾憶子桓譏橘醋滿願津液戀京華

長洲宋聚業嘉升

客窗仍署草堂顏  
簾閣焚香靜掩關  
柳暗銀灣花繞屋  
恐牽歸夢到家山

迭宕詩人好縱遊  
那分燕市與蘇州  
豐臺芍藥紅千朶  
絕勝笙歌上虎丘

常熟蔣廷錫揚孫

轂轂車音轉疾雷  
長安無地避塵埃  
屋頭一角西山秀  
可是先生筆底來

聊開三徑欲絃歌  
問字從人載酒過  
休訝堂名小秀埜  
樂天到處憶東坡

大興蔣仁錫靜山

玉河迴抱千章柳  
茅屋橫排萬疊山  
還似江南風物

否枕邊流水日潺湲

到處行窩總出塵  
焚香掃地即清新  
草堂就使分南北  
只認堂中舊主人

長洲汪倓安公

檻外芭蕉翠幕遮  
紅薇枝軟欲烘霞  
唯輸底事鄉園好  
暖日新開穀雨花

客中生怕動離情  
文室仍題秀埜名  
酒熟茶香思舊雨  
却憐歸夢太分明

武進徐永宣學人

高軒屢過輒停驂  
韋曲西邊忒盍簪  
眼底軟紅飛不到  
水簾風簟似江南

雨餘殘滴墜芭蕉。藜火牙籤破寂寥。料得秋風靈鵲喜，底須惆悵可憐宵。

附遙和詩

長洲尤侗展成

一昔常登秀塾堂。幾時移向帝京旁。歸家却話巴山雨，翻憶長安是故鄉。

宣武門前吾舊遊。借君點綴似蘇州。只少妙嚴公主宅，臨風還望洗妝樓。

故是詩狂亦酒徒。玉山雅集足歌呼。若添老鐵來吹笛，便好倪迂補畫圖。

槌碎胡琴歸去來。故園風景亦悠哉。題詩寄謝王摩詰，高臥終輸裴秀才。

答阮亭侍郎也

長洲劉石齡介于

三忠祠近城西路。丈室能如秀塾清。從此帝京書景物，便須添箇草堂名。

疎簾風細卷湘波。草色氍毹奈爾何。但恐有人來問字，林間時復引鳴珂。

斜街花市競清晨。芍藥移來帶露新。雖是故園花較早，輸他婪尾十分春。

紙窗雪白小軒幽。葉葉芭蕉翠欲流。稍待遮闌天際雨，好將清響報高秋。

崑山徐昂發大臨

不思海澱隨油壁。不憶豐臺走月題。遙羨斜街新秀

埜藥苗花朵簇春泥

東中四月拆紅蕉燕子成家竹粉消何處思君頻北

望清波橋畔月明宵

今春余寓山陰

堂上開編夏日舒簾波欲皺篔紋疎若依身晏求書  
例御札應須借十車

五色豪新翻碧浪三清路近拾瑤花知君偏動歸來  
興細雨燈前補白華

嘉定趙俞文饒

為憶林塘綠萬重僑居點出故山容分明神物推移  
力飛到西天小鷲峰

車馬喧塵亦結廬麤麤移家具未移書十圍試看便便

腹已載縹緗萬軸餘

繁花如繡簇階坳但欠修篁百尺梢種得芭蕉新展  
葉夜牕宛是竹風敲

城堞嗟峨水抱環玉泉天外顫雲鬢詩人眼底真空  
闊只算君家一小山

高郵李必恒北岳

精廬小闢禁滅西客到新留壁上題試茗且須烹紫  
磨開尊還為坼紅泥

襟期散朗雪中蕉一枕華胥熱夢消却怪姮娥偏冷  
落不教桂子落秋宵

香岳釋超拳艷山

小方山言集卷二  
三  
茂苑借來歸上苑燕臺還許著蘇臺顛南倒北真奇  
絕只欠查山萬樹梅

遊子思家苦奈何隨身帶得舊煙蘿他年歸到長洲  
苑兩地相思苦更多

閻丘詩集卷八

聞沈七天孫凶問哭賦二絕

瘦減腰圍不自持榻前相對淚絲絲生離死別無窮恨  
都入踟躕執手時

詼諧絕倒任疎狂鋸玉霏霏笑語香每聽歌場曲有悞  
淒涼四座少周郎

五日狄庶常立人招飲即席分題二首

艾人

誰移仙艾挂簾櫳腰繫紅絲颺碧空繡戶雕楹看日色  
澹煙輕霧憶花叢芳馨徒結三年夢顛顛難禁五月風  
笑爾形骸非土木漫將科跣傲王公

題黃葵園画米來齋穿心石榴花扇

一點生紅便面宜層霞吐燄照橫枝若教添箇纍纍實  
好憶蕭孃嚼破時

送錢唐王明府文在之任鄞都

帝城斜日照香鞵遠宦忠州路幾千人渡巴江秋雨裏  
帆移巫峽暮雲邊官閒按月評花譜俸薄終年抵酒錢  
想得啼鶻催月出吟成好費薛濤牋

秋日武進徐四學人招飲大定菴賦得秋柳四

絕同集為文子希文山言聿修共樞褐夫北  
固靈臯大山亮功寶成揚孫大臨文升

殘陽遠照綠冥濛猶得寒蟬噪晚紅萬緒千條空嫋嫋  
秋風渾不似春風

二月飛花落帝城間梅遮杏撲黃鶯看他紅紫分春去  
獨伴枯荷愁雨聲

館娃宮裏板都盡蘇小門前碾作塵待得他年花似雪  
可憐幹老不禁春

拂馬藏鴉一樹斜影分上苑映窗紗雲陰縱解添顏色  
不比秋光滿徑花

送嘉善錢明府閩行之任茂名

秋風處處喧征輦飛塵十丈皇城迷鴈字橫天馬頭過  
瘦日懸影長亭西錢郎瀟灑塵外物弱冠名與機雲齊  
惜哉珪瑁棄館閣一官南海驅輪蹄踰嶺越嶠行木末  
半巖花雨飛山雞天高風王帆腹飽浪頭出沒同鳧鷖  
此行到官七千里天教山水標新題颶母鮫人設幻景  
新詩綺語呼小奚鉛刀一試亦足喜勿因遠道空酸嘶  
嗟余潦倒漫射策荆玉屢獻遭排擠金盡牀頭路鬼笑  
蹇驢避路容顏低彰義門邊送君去奇雲披絮垂楊隄  
汗青事業付公等秋天鵬鴉無端倪我欲歸終五畝宅  
燔枯炙艾躬提攜暑夕風櫺香菡萏雙柑斗酒招黃鸝  
青鞵布韞逐山水雲廊雪逕游招提蠻觸紛爭任蝸角

幕天席地判如泥遲君報最返帝里扁舟訪我桃花谿  
和泰州宮八友鹿比鄰詩次唐考功東江韻一

首

枕中歷鹿響征輪乍醒時聞剝啄頻不屑姓名求狗監  
漫將詩句駭蛇神匡牀木几三間屋薄酒清茶四海人

十日相過一笑語柴門月色對南鄰

余到都每月有逢十之集

疑君就我特移居巷北城南共掃除

余寓居上斜街友鹿適移居順承門外

好

句傳看應置驛新聞驚報輒封書道窮世路論交嬾興  
盡歡場鬪酒疎行李秋風歸去疾幾時攜手話鄉閭

將南歸

徐四學人招同人嘉會莊讌集時學人將還毗



陵席上賦詩送之

菊綻疎籬霜未勻。筵前風送鴈聲頻。離懷偏逼蕭條日。酒力難勝落魄人。斷角樓臺空惹恨。殘秋城郭獨傷神。一尊送爾江南去。愁見徐郎匹練塵。

△下第將歸吳中賦詩四首留別張大漢瞻查二

德尹吳大山掄官八友鹿徐大大臨汪三文升  
錢四亮功宋五嘉升柯大南陔諸子

試院纔開曉色分。驚傳榜下斥劉蕢。浮名自古難爭命。薄俗從今不尚文。許史金張門自盛。王楊盧駱世無聞。掉頭匹馬盧溝去。斜踞征鞍望夕曛。半載風塵污濁泥。棘門一試蹶霜蹠。妻孥失望音書懶。

奴僕相看顏色低。莫向鷓鴣矜腐鼠。堪嘲野鶴混羣雞。

戲山掄大臨文升嘉升也

三千里外拋君去。獨向三間老屋棲。

新句比鄰日費哦。

友鹿有比鄰詩

丹丘查浦數相過。

寓居與南陔德尹相接

枕中

夢覺輕車響市上。香飄細馬馱。不信酒徒多醜。礪緣何

詞客漫蹉跎。自誇一著強人處。贏得長安歎息多。

時余名在副榜

云故

商賈優伶雜上林。青衿何用漫沉吟。才人坎壈無南北。

閱南榜知武曹荆山諸君亦皆被黜

天道冥濛自古今。脫網鱸魚剛雨後。披緜黃

雀正秋深。南歸整頓高陽社。不向紅塵覓賞音。

寄懷商丘公二首

梅花席上贈詩章。又聽西風鴈數行。年長逢秋悲易入。

塗窮感德意難忘月銜城角連窗白菊映籬頭滿袞黃  
想到公餘吟咏處幾宵清夢落滄浪

舸停馬簇聽笙歌翠篠紅蕖竟日哦韻事人傳乘月出  
好官自喜得詩多遠遊王粲空悽愴下第劉蕢終輒軻  
半紙寄將離恨去庭槐愁對影婆娑

龍比部雷岍用坡公韻作歌見贈依韻奉荅

男兒不得聲名垂須臾鬢髮成雙絲茫茫天地少知己  
英雄終老同囊錐先生四十始辟召玉堂夜直星飛馳  
郎官慙屈映列宿朝回柳拂黃金羈生平碌碌未肯消  
游戲筆墨編傳奇比部舊譜瑤花夢樂府儒冠誤人非一日牀頭寶  
劍看雄雌長歌清越更排冪險語驚倒韓退之世俗紛

紛攀屈宋可憐所得空毛皮蘭苔碧海境自別此中得  
失心相知何日持螯共酒船狂歌劇飲真吾師

少司農新城王阮亭先生招同宋山言餞別寓齋即席以代馬依北風越鳥巢南枝分韻余得鳥字賦此留別兼示座中張漢瞻馮文子周策銘殷彥來方共樞蔣靜山諸子

西方卷緇塵落葉辭木杪雲陰釀薄寒霽霽日光小亭  
午赴良會入室覺深宵門生羅後堂琳琅坐繚繞漁洋  
風雅宗海內實師表蜀山迎馬頭溫湯浴清沼新詩滿  
裝囊韻事頗不少相對鄙吝消談舌孰敢掉恍若仰泰  
華嶒嶒駭登眺又如頰溟渤目眩波淼淼燭花點玉盤

酒船泛清醪嚴城擊鼓柝疎星夜悄悄明朝分手去荒  
原嘶騷裊不學東轡猿頗類驚枝鳥文章誤浮生慟哭  
知音杳歸臥屋三間天地任昏曉枯荷響浙瀝東林補  
翠篠殘書費吟哦百年事可了但惜後會遙絳帷清夢  
遶高岑各一方悲歌暮燕趙古寺楓林稠板橋霜月皎  
把酒獨踟躕雲山路縹緲

滄浪亭歌奉次商丘公元韻

長風浩浩吹清漣孤亭突兀城南邊擢歌一聲雲四散  
遙岑寸碧光依然問此昔是誰家築滄浪名自慶曆年  
寒雅古樹國戚地南園一帶漫荒煙天教詩人遭貶謫  
誅茆卜宅于斯焉幅巾野服蕩小艇枕流漱石方便便

明月清風任批抹牙頰金石聲相宣秋深池面打菰葉  
春老牆角飛榆錢漢書下酒每終夜豪放逞逞追張顛  
竭來至今幾百載離離岡阜橫長川中丞撫吳常莅止  
風雅未墜寧非天捐俸鳩工復舊址蕭疎布置八九椽  
清暉掩映雲日媚一丘一壑勝事兼蘄王祠廟正鄰近  
飛甍畫棟整豆籩公餘旦暮來登眺我還與我相周旋  
倚闌長嘯白鷗散森森一葉戲家船紅橋宛轉通野岸  
落霞波底光連延燕寢凝香森畫戟駟蹏響奔平泉  
蘇頲白老莫誇盛長歌激越超從前下士披局三遍讀  
襟懷陡覺塵慮湔風流逸興描不盡搜腸漫聳雙吟肩  
政事文章皆入手千秋公論原非偏放歌聊寄滄浪上

姓名或藉丹青傳

題宋員外堅齋畫

脫葉點枝剡紙白蒼苔補石麝煤斑只消幾筆誇能事  
早奪西湖一角山

題城南草堂

人生適意事無有過造屋軒窗任位置一日一換目余  
常抱此癖秀埜供卜築經營竭物力三間映水竹同志  
得廣平幽趣憐君獨抱負棟梁才治世如宰肉但觀斧  
鑿巧已知經濟熟草堂不三月突兀城南麓長齋奉老  
親譚禪占清福倚砌鋪綠苔沿籬綴黃菊秋光浮綺疏  
佳氣正清淑攜客賀堂成好辦酒一斛

題指頭畫雀竹圖二首

研井新磨便面開纖纖掃出墨花堆洋州野竹邊鸞雀  
頃刻齊收掌指上來

粉本知君記在心笑人空向筆端尋更須千丈鵝溪絹  
指點山川與古今

題汪柯庭揮絃圖二首

畫工的是傳神手寫出嵇生好句哦只作鴻飛天際想  
朱絃琴上也還多

攜杖山童短髮髻問他可是葛陂龍忽然石上天風作  
謾謾聲喧幾樹松

題友梅軒二絕

雪後推窗捉鼻看疎枝冷蕊欲闌干平生不羨繡華夢  
惟此真能保歲寒

粉本摹神欲斷魂居然人在客愁邨誰移鄧尉千株樹

只欠梢頭月一痕

主人繪梅四十  
幅置軒中

### 題繡谷送春圖後二首

書齋岑寂起松濤嫩綠陰中瀉濁醪如許春光留不得  
馮伊收拾在霜豪

新詞洗雪畫傳真半是山僧半逸民要識東君傷別意  
嬌紅故剩一枝春

### 題一朶牡丹畫卷

露浥新香染色新濃描淡寫總宜人金刀欲向圖中翦

### 妒殺君家繡谷春

#### 蔣童子挽詞

并引

童子年十六臨終時口成一律詞致悽惋余甚傷  
之因次其韻

仙謫人間十六秋彩雲變幻望中收他生應是同羊祜  
此日誰當似仲謀淚灑西風迷碧落魂依夜月墮滄洲  
飄飄六合原無著欲鑄黃金也未由

胡叟營壽藏于虎丘之東顏曰桐圃索余賦詩  
結箇亭臺傍水汀疎狂不惜鬢星星陶潛醉去成生誄  
金粟歸來著壙銘四壁嵐開山擁髻半溪風散塢搖鈴  
閒時倚杖柴門立画舫笙歌處處聽

贈鄧老四絕

鄧老字元哲  
工于鐫刻

雕鐫摹勒古人同點畫分明奪化工吳下才人爭賞鑒  
蕭蕭風送一穎翁

菽水承歡頌孝思解吟風月也知詩孤高誰似霜林叟  
亦為留題絕妙辭

鄧老少有孝行亦  
陶嘗作詩贈之

東海先生費購求宋元諸解發深幽六經明似中天月  
萬卷春風傳是樓

平生性癖愛詩篇剗削遺文甲乙編差仿中州舊日例  
行行字勢鳳鸞騫

澗齋八景

為趙常熟  
念堂題

萬條柳

裊裊鵝黃臨水搖楊花如雪畫闌飄鶯兒燕子斜穿處  
一抹殘楊映小橋

如橋椿

樹身屈曲繞溪流鬱結輪囷幾百秋紅紫易開還易落  
爭如蔥翠插天浮

洗心池

一掬清寒澣石灘風吹碧沼澱紋寬俗緣對此俱銷盡  
不用清波沁肺肝

搔首臺

斗酒揮毫正凭闌馮高遠望莫煙寒一聲長嘯孤雲破  
落日青天萬里寬

書城

滿架縹緗映采霞丹黃甲乙樂年華應須貯滿便便腹  
還笑男兒讀五車

睡麻

清簟疎簾人迹稀黑甜佳趣欲忘歸任他蠻觸爭蝸角  
暫作南園胡蝶飛

竹亭

幾聲浙瀝響疎籬粉籜新遺綠嫩時小扇搖風北窗下  
算來唯有此君宜

月亭

長廊夜靜逗輕寒捧出銀河白玉盤每對江南秋月色

錯疑身在故鄉看

丁丑初夏送桐鄉馮畱士北上兼寄都門同學  
諸子即次畱別元韻三首

生計多因好事貧案頭鼠迹印流塵空餘老淚霑行被  
無復新詩寄遠人帆飽湘風移碧浪雲烘燕樹挂紅輪  
盧溝橋上揮鞭過錯却鶯花上苑春

舊遊四散似晨星攜手河梁又濯纓平子方將愁北望  
安仁何事賦西征賣花人喚香千戶騎馬郎歸月五更

遙憶斜街風景好詩翁近日與誰評

余去歲寓上斜街與查二德尹比鄰

娟娟翠篠碧無聊菡萏池塘綻紫包蟬避螳娘方上樹  
燕捎胡蝶正尋巢三都賦就傳宮闕

畱士新刻因樹屋詩

萬卷樓高

臥草茅

余方注温  
飛卿詩

寄訊長安諸故舊軟紅香夢已全拋

閻丘詩集卷八

才士與名山每有神契或相望而不能遊或遊而無名  
篇以發之猶之乎不遊丁丑秋顧子俠君有金焦之遊  
扁舟泛大江窮探巖壑吟嘯之聲與山籟江濤相應荅  
歸而視余以遊草清幽蒼莽兼宋元諸家之長想見俠  
君褰衣天畔命酒高歌其風流在靈運太白間也蓋人  
與山兩不負矣憶己酉春余與家荔裳同遊金山得句  
云楚天雙過鳥吳苑一秋毫又遊焦山有驚濤天外轉  
殘月夜深來之句頗爲荔裳阮亭所賞荏苒三十年矣  
此後屢過之而題咏寥寥手俠君此編不禁神往滄浪  
寓公宋犖題



稗海之內山水之挾奇而名者不可以數計而或山與水相遭則大奇遭矣而山與水勢足相敵則益奇江以南故名山水處也其水洶湧澎湃魚龍吟嘯犇折數千里而東注者曰大江環三州之竟周五百里掀天浴日潏淼不見涯涘曰具區而院大江而爭奇者其山曰金曰焦踞具區而爭奇者其山曰洞庭七十二峰蓋相遭而勢又足相以敵予行天下不數見是也俠君博雅瓌奇之士工詩而家於吳門其視具區洞庭猶几案間物也而客遊則於金焦當其揚舲泝江登妙高尋瘞鶴馮弔北固南徐英雄之遺蹟訪三詔之高蹤邈然興懷慨然而賦蓋山水擅奇於東南而詩又足爭奇於山水遊

金焦集卷九  
如是詩安得而不工也俠君姓顧氏名嗣立遊以丁丑  
九月往返未而月得詩凡四十首題曰金焦集刻既成  
毗陵邵長蘅為之序時康熙己卯中春六日

閻丘詩集卷九

金焦集

丁丑九月  
至十二月

丁丑之秋余有廣陵之行二客從游自惠山至京  
口渡江每遇古人遺蹟輒捫蘿陟巘摩挲斷碑嘯  
咏竟日寓興教寺者半月復乘扁舟揚帆江心風  
浪浮天水石相激砢砢然動蕩心魄余時縱酒狂  
吟笑謂客曰自采石黃樓已後世無此興久矣因  
檣舟登眺徧搜金焦兩峰之奇勝意有所會援筆  
輒書命二客投置囊中歸艸堂後檢校新詩共得  
四十首并附以他詩總名之曰金焦集云  
重九前一日舟行山塘望虎丘即事口占成四

絕句

亂葉橫枝隔水香  
秋風七里接山塘  
帽檐好向船頭側  
只欠籬邊一朵黃

遠煙冪冪籠山色  
衰草離離沒馬蹄  
小扇輕衫行處好  
遊人踏破白公隄

紅窗青篾浪相迎  
小閣斜樓鏡裏行  
秋蝶有情飛不遠  
翻翻隨著賣花聲

短簿祠荒雲氣連  
塔鈴遙語劔池邊  
又將風雨淒涼意  
別作重陽一樣天

音佐

重陽一樣天

望亭書所見

撥刺魚上又咿啞  
橈相語鷓鴣蹋水飛  
欲來又忽去

九日登九龍峰

青山遠迎人秋氣正  
蕭爽黃花滿鬢香  
到處游屐響幽  
尋始惠山同行客  
得兩仰見光冥濛  
相攜飛步上蜿蜿  
如藏龍雲霄挂千丈  
峭壁驚嶙峋滑石怪  
剗礮倦脚藉  
草坐縣郭平如掌  
嵐光映溪色景物自  
駘蕩令節恣嬉  
游銜尾集画榜絕勝  
治平寺吳儂鬪錢鏹  
天風忽飄蕭  
木葉振林莽白雁一  
行來悲鳴意惘惘  
同儕勸言歸興  
盡不須強回船把茱  
萸擘泥送雙槳茲游  
類半酣此中  
尚怏怏何當立山顛  
吸盡湖沆漭

酌第二泉

火候頻將蟹眼探  
香風入手半甌藍  
弱籠攜得茶千片

細嚼清泉一勺甘

遊秦園用少陵陪鄭廣文遊何將軍山林韻十首

秋日園林好微波浸石橋泉聲分遠澗嵐氣映曾霄竹  
裏花相映雲邊鶴未招入門幽興愜于此暫逍遙  
風緊天容變雲陰滿太清山高難見日樹密易聞鶯荷  
葉堪盛酒蓴絲好作羹眼前多野趣還道是山行  
蒼松與怪石兩不辨千支澎溟濤翻屋峻增影落池水  
清魚自樂花老蝶先知可奈巖邊草萋萋自倒披  
莫問人間世相看鏡裏花夢迷蕉下鹿病悟酒中蛇山  
色排牆入月光待夜賒清暉映几席誰似謝公家

攜手平臺望難禁笑口開玄談愛支許新句出歐梅白  
酒催愁散黃花引興來漫天橫雁字好去宿萋萋

淺淺

音

乳竇響雪浪瀉流泉細點初霑袂涼颼已透絲

水風牽荇帶花石繡苔錢便欲安茶竈清甘飲玉川

冉冉蓮衣落無風韻自香槐陰鋪砌滿柳浪入池涼片  
石亭孤立回廊屋半藏九龍何處是倒影見穹蒼

吟詩白傅宅載酒習家池覓句乘輕屐穿花倒接羅粉  
腰迴鳳子黃背暖鵝兒魚鳥如相識濠梁步步隨

跼躅樊籠內高飛敢望雲空懷買山志未辦送窮文佳  
興逢今日秋光惜半分野鷗催客散隔葉亂紛紛

好景真難別歸來意若何郭含斜日遠舟載晚風多隔

岸沈山影前溪送擢歌勝遊餘興在宵夢約重過是夜泊舟惠山

下至夜半始行  
次日舟抵常州入城訪方大共樞徐四學人相敘竟日各贈以詩

方大共樞

去年塵土賦京華巷北街南映晚霞  
大定菴中人載酒三忠祠裏客停車  
丙子歲余與共樞同客京師共樞寓大定菴余寓三忠祠  
行蹤怕看霜前葉愁緒真同雨後花  
黃菊紫螯今日共方干新句與誰誇

徐四學人

偉長鄴下筆鋒銛詞賦翩翩羨爾兼  
野水柴門停画舸秋風書屋亂芸籤  
新篇尚為梅花欠今春有撥梅之約未果舊恨時

因柳葉添

去歲學人招集大定菴共賦秋柳四絕

鴈字參差霜正落連宵夢遶

白雲尖

學人所居名白雲尖

遊鶴林寺

小橋流水漾江天古墓荒涼松樹邊  
寺對黃鶴山山下有米南宮墓剔蘚重

尋米老字

寺壁石刻率多剝落唯南宮書城市山林四字尚存

擔瓶仍試寄奴泉寺中井名秋風

竹院人聲細

鶴林一名竹院唐人詩所謂因過竹院逢僧話又得浮生半日閒也

燈火禪房僧影懸

方丈懸馬祖遺像

夜半潮聲驚鶴夢月中仿佛下芝田

遊竹林寺

遙指深林日半曛滿身山影似流雲  
入門陡覺寒生袂取徑爭疑綠上裙  
鍾起樹梢香細細鳥飛巖際籜紛紛  
林公泉畔馮高處四面相看是此君  
山半有林公泉為林泉禪師所鑿

京口觀打圍歌贈宋武備

柳營風嘶白鼻騮銀鞍錦障堆雲霞老兵健兒齊結束  
韉鷹掣犬聲喧譁將軍短衣上玉鐙腰下寶劍涵霜華  
弓刀切切陌上響攢蹏百馬紛如麻艸枯葉隋山磔卓  
荆榛蒙密當途遮麇麇懾竄兔撲朔雄雉鳴鳴翅觜沙  
側身脫轡飛白羽號風泣雨爭投置岡頭飛礮巨石裂  
青天誰掣黃金蛇收禽會衆藉艸坐燭毛魚肉騰酒車  
將軍仰笑士卒舞嘈嘈醉耳彈琵琶自笑儒生弄柔翰  
堆書僵卧同鼯鼯相如上林徒自侈子雲羽獵何太誇  
豈若戈鋌耀山谷親覩雨血紅翎斜耳覺風生鼻出火  
興豪媿乏漁陽搗酒酣上馬蹋歸路金焦江面攢雙丫

十四日抵莫步至避風禪院坐釣魚臺望江復  
沿江岸取徑經昭關踏月歸寓

江風吹日落餘光在山上水面結陰霞沈沈夜氣王入  
寺俯峭壁縱目盡軋塊金焦兩冥濛歸鳥影相向潮聲  
落空巖勢若翻甕盎此身渺一粟臨風恐飄颻釣魚者  
誰子欣然忘得喪紆餘取歸路孤光滋瀆瀆長嘯出昭  
關天風助悲壯江心起鞞紋金波涌壘嶂蠟屐破松杉  
舉頭月正望

十五日寓揚州興教寺看月

木魚響歇晚鐘鳴碧瓦金波浸滿城光射牀頭孤客語  
影移牆角老僧行詞人夢斷青樓歇帝子魂消古墓平

試向玉鉤斜畔望今宵端正幾分明

十九日鹽城宋射陵興化李若金諸公有平山堂展重陽登高之舉雨阻未果集寓齋分韻得元字

回想登高處分明隔歲論雲烘黃葉寺煙溼菊花邨壁

挂新題句筵開舊泛尊天公真解意風雨補前番

今歲九日天氣甚晴

次殷彥來卜居邗上韻二首

倦遊司馬幾年餘江北移家結草廬背郭堂因杜老築  
臨江宅趁子山居門前遙認新栽樹架上初齊舊著書  
二十四橋無限好來春油壁放輕車

江左風流迴異常魏舒領袖更堂堂歌場舞榭繁華地  
海物江肴煙水鄉幾處錦帆橫北郭誰家水調隔西廂  
屋邊莫用多移竹好放隋隄秋月光

題竹林小照二絕

葉翦藍羅響萬竿滿身凝綠夢初殘怪他撐撥詩情發  
雪案風櫺閣筆難

霜毫落處冷颼颼仿佛東林月上時只想春深雷雨過  
玉盤捧出錦綉兒

海寧沈岱瞻以所著孤子吟索題漫賦一律

腸斷趨庭一見難只馮夢裏話團圓三年物變容顏瘦  
千首詩成涕淚乾述德謝家新句好補亡東氏舊編刊

金焦集  
夢我三復添悲愴手展長吟不忍看

高郵李百藥過訪寓齋出所作詩賦見示賦此  
贈之

我來寓維揚稅駕方五日晨起客打門披衣延入室狀  
貌覺崎嶇進退還秩秩自言家秦郵僻壤尚樸質讀書  
陋章句風騷采華實蚩蚩小時輩見面不記一得君秀  
楚詩愛翫愈吾疾一見道余意宿願良已畢出其囊中  
作清越更超軼覽社光蒼茫秋聲語蕭瑟占賦麗以則  
新詩穩格律一章數遍讀才思逾橫溢余生多坎壈身  
世屢遭絀笑傲倚東軒孤吟伴蟋蟀感君癖嗜痂傾蓋  
如膠漆薄俗類虻蚋小儒同蟣蝨光燄杜與韓餘子何

足述君才既倍人好古定誰匹片言欲披聾不待枚生  
七百藥方有耳疾吳山路縣亘淮水波蕩涵相逢兩浮革重會未  
可必酒狂君繼白書淫我效謚扁舟約論文歸去好種  
秫

栖靈寺

即大明寺  
也在蜀岡

杖策披尋第五泉大明寺外蜀岡邊鬪雞戲馬迷榛莽  
玉樹璠花斷管絃黃葉辭枝黏柏翠晚鐘出寺入炊煙  
他年幸遇風流守留得平山此地傳

平山堂懷古

歐陽公手題扁  
額三字尚存

霜銷雲氣收日脚正亭午江光連碧瓦隔岸青可數吳  
山隱密林淮岫矗極浦積陰挾寒濤勢欲到堂廡緬懷



六一翁流風邁千古倚厓置棟梁于焉運斤斧堂成集  
羣僚清詩日吟苦渡水采芙蓉皓腕牽纖縷翠蛾趁月  
歌紅裙蹋筵舞遂使狐兔場翻作圖書府茫茫五百年  
勝事今誰覩空餘三字顏斗大映屋宇想當下筆時肘  
腋勞撐拄著紙墨淋漓力挽千鈞弩形如鸞鳳翔結構  
各綴補歲久墨花妍疎宕更媚嫵摩挲不忍去但以指  
畫肚夕陽亂平蕪黃葉響山隴蜀岡鳥上下迷樓送鐘  
鼓何當春明來松翠潤細雨屐齒印庭綠挑泉嚙石乳  
醉翁許爲徒千載作賓主

紅橋泛舟看紅葉限霜字

小艇出城去寒林見早霜半篙橫野水一樹舞回塘白

髮偏多興

謂興化李文山  
鹽城宋射陵也

黃花猶賸香紅橋相映掩餘綺挂

斜陽

登金山

銅鈺挂樹方臃腫粼粼江面朝霞烘樓臺絢爛耀金碧  
蒸嵐瀕洞拖長空扁舟一葉逆流上打頭風急波翻篷  
櫓聲鷗軋羣鷗發石闌笑指委蛇通雕梁繡戶發光彩  
十年不到心忡忡龍井亭邊汲江水裴公洞裏尋僧鐘  
振衣飛步凌絕頂吳楚八九吞胸中拂袖癡雲穿塔行  
排檣巨浪乘風攻潛蛟黑霧騰郭墓江豚腥氣噴朱宮  
黃葉如雨落山脚白鳥散雪隨回風江天漠漠凝空碧  
雜花縹緲迷雙瞳玉帶橋邊步宛轉風流軼事難重逢

朝陽洞冷山骨露草木堅瘦光玲瓏往從焦山過其下  
長歌激越嘲神工去歲游焦山詩頗有唐突金山之語今來此山頓自失狂言  
唐突真兒童蕭疎濃豔各有態山林廊廟那須同此番  
游興頗恣橫得隴望蜀情何窮開帆重抵焦公洞兩峰  
辨出誰雌雄

自金山放船至焦山用東坡韻

江流激激山耿耿秋深早寒生江南挂帆側柁入碧水  
紅日上竿纜過三船頭浪急風漸至頰舷不動同眠蠶  
篙師歌笑若平地儒生瑟縮吾甚慙回視浮玉隔船尾  
一堆白雪噴深潭天公定解好奇癖幻出詭異令沈酣  
樓臺天襯橫北固恨不飛步開雄譚深谷悲風振魚合

朱宮亂沫驚僧龕須臾已抵象山脚瀧瀧石罅何清甘  
樹色隔江引遊興翦波一棹寧嫌貪自茲脫險入佳境  
顛沈頃刻真難堪攜魚挈榼上絕壁好辦軟脚山頭菴

重遊焦山

長風落木聲刁刁山根夏擊聞鈞韶扁舟劈箭破雪浪  
石齒累累剛停橈去年春明泊山下沿江綠艸斜裊腰  
披尋舊路蹋黃葉樹梢颿影移青霄遙岑歷歷翠欲洩  
濃澹時見橫雲飄噉蔗自尾幽興熟三詔洞口聊逍遙  
取徑禪房行犖确驚波合沓飛山板寒煙著樹忽吹散  
幽禽怪鳥音相招荒荒絕頂四面白海門浴日紅光搖  
玲瓏象山儼屏障隔波兩兩爭茗蕘清秋山骨更磔卓

疎花野草眠漁樵翻怪春來桃李俗西子何用燕支描  
此遊殊覺興不淺長歌下嶺衣飄颻瘞鶴殘碑問何許  
雷轟石上初生潮惡風白浪苦相激江聲疑挾鼉鼉驕  
笑呼舟子亟解纜中流一瀉真陶陶

登北固山

城尖徑仄天地秋長空一覽江山浮風煙黯慘無定態  
茫茫堆積萬古愁甘露寺邊初下馬多景樓上重探幽  
白蘋紅蓼鋪鏡面鷺鷥飛起蘆花洲亂山朶朶列檻外  
長江匹練遙相兜金焦矗起如怒浪青蓮對擁不月收  
當年戰鼓遏江水左蠻右觸嘲孫劉戟枝翻倒冰夸窟  
刀頭血噴黃流地坼天荒變俄頃殘陽明滅波中漚

紫髯桑蓋竟何在但見很石眠荒丘愁來棄去不復顧  
隔林纖月垂玉鉤栖鶻磔磔起山谷松杉人立森戈矛  
嗥童好辦京口酒一澆硯礪千鍾休

十月五日歸艸堂漫題一絕

輕舟一葉趁秋潮贏得新詩興未消若把江山誇勝景  
就中奇絕是金焦

張漢瞻過訪艸堂爲其母李太君七十索詩兼  
話都門舊事賦此贈之

前年客京華友朋時結隊丁香盛妙光芍藥豐臺最查  
錢聯轡行德尹亮功二劉日相對大山北固座上推齒尊無如吾子倍  
光成擅文章開譚割蒙翳親老復家貧牢騷滿聲歎瘦

馬蹋槐花形容失故態斜街時過從莫問明與晦雪酒  
擘紅泥黃牙嚼春菜耳熱潤枯腸傾倒出肝肺雄心各  
自負青紫等拾芥苜蓿老秋風霜蹠屢顛蹶搏扶息北  
溟蜩鳩笑鵬背幾穿百步楊誰折一枝桂分手彰義門  
匹馬盧溝界南北杳茫茫關河自迢遞今夕復何夕對  
影檐花細囊攜壽母詩浩汗富清製流俗列華筵庭階  
堆玉幣冠蓋雜逕來鄉閭羨高會豈若數篇詩鏗鏘鬪  
妍麗用以進一觴千古寔佳話况子負重名青萍方砥  
礪轉盼洛陽春陌塵紅滿埭看花過上林相期並征袂  
顯揚固有時幸勿傷老大送喜扶潘輿杜老詩可繼

新安朱翠庭索題菊花四絕

買菊

買得寒葩數本黃蕭疎枝葉帶微霜夜深更起移燈看  
花影紛紛上粉牆  
紅薦紫綻列成行堪傲盧家庭畔香好約無腸公子到  
與君痛飲百千觴

載菊

柔櫓啞啞香氣催波光花影兩相猜不從彭澤籬邊覓  
却向天隨宅上來  
船頭佳色映斜暉采采黃金欲上衣白露滿團盪槳去  
好教相伴月明歸

題狄庶常立人悼亡詩後

少女憐風貌詞官吟少年竟隨花早落不與月重圓鳳  
泣離弦絕鸞悲清鏡懸惟餘綠窗句風亂海棠前元傳與礪故妻

孫氏綠窗遺臺有詩云獨坐小窗無氣力隔簾風亂海棠絲立人有海棠船故引及之

### 甲園十二景

溧陽狄庶常立人尊人拂衣種藥之所以其始于甲寅成于甲子故名其地為南宋趙忠愍公淮故居即

今里中所傳北府是也

### 息關

水竹林泉北府空幾番却埽徑委蛇天池未許搏風到  
門設常關六月時

### 秋影草堂

銀河清淺閣檐頭籬落香濃絡緯愁月在柳梢花在地  
却從何處去尋秋

### 逸舫

紅窗眼小綠波清只欠青翰擁被行四海五湖風浪滿  
孤舟羨爾草堂橫

### 披霞幄

九枝燈影映重霄深淺高低寶帳飄紅片紫芒搖颺處

遶牆急種碧芭蕉

韓偓詩紅蓋薇映碧芭蕉

### 且軒

長日好邀劉昶飲良宵還與謫仙論五車縹帙千鍾酒  
落落乾坤一旦軒

### 清陰館

百尺梧桐綠正全疎簾清簟午窗前涼颺引入蘧蘧夢

忘却門前赤日天

溶溪

游魚趁影啜花香行藕芙蓉葉送涼  
芟刺菱尖橫水面  
蓮房斜日睡鴛鴦

高靜閣

按邑志忠愍公駐節溧陽高宗賜以三石皆鐫泐御書曰蒼雲高靜忠義今蒼雲忠義兩石猶存獨高靜石為有力者攫去立人別構奇石補之因以名其閣

山骨稜稜乾蘚剗鬼神呵護聳奇觀  
米顛好事呼為友  
閣下應添拜石壇

嘯亭

林葉紛紛卷半空劃然響作吸天風  
蘇門不隔人間世  
却笑紅塵無臥龍

檀欒室

萬竿眼底都成趣千畝胸中漫自賢  
最愛滿身依綠影  
香風細細月娟娟

適適龕

軟飽三杯到黑甜渾如老衲倚蒼顛  
人生到處堪行樂  
山月江風索價廉

山雪

縞素漫漫滿目斑峰巒濃淡有無間  
凍雲氣擁千溪樹  
殘日光銜半尺山

輓潘雙南

城滿芙蓉花晝冥殘編惟賸讀書螢  
驚人奇句推詩伯

罵座狂言號酒星組帳乍疑魂蕩漾靈牀怯見瘦伶俜  
遺言葬我陶家側只當潘郎醉未醒

閻丘詩集卷九

宇內之名山五千三百七十道書所紀洞天福地陽明  
特其一焉世之游者每以五岳為期然嵩恒泰華無津  
可逮吳越之山篋輿篋舫輒臻其麓無攀躡之勞而有  
壺觴朋友之樂此昔之人所以賦近游也中吳顧俠君  
年來風雅之領袖嘗輯元人詩百家刊行之又注昌黎  
韓子詩開其窾奧詩家奉為圭臬焉暇游鄧尉遂訪余  
長水渡錢唐覽會稽之勝歸而成詩一卷卷中不盡山  
陰之作而以山陰名集者念其先人考功君舊出宰之  
地也余曩者七至山陰至必流連累月壺觴朋友晨夕  
靡間歲在辛丑偕南昌王猷定于一番禺屈大均翁山  
為後蘭亭會邦人與者一十九人其後死生契闊出於

意表求賦詩飲酒之陳迹邈不可得而考功君去此地  
且五十年縣之父老猶能話峽山舊事指點在自然後  
知善政之及人者深俠君之詩傳考功君之治績蓋百  
世而不湮者已康熙三十八年小長蘆朱彝尊序時年  
七十有一

閻丘詩集卷十

山陰集

戊寅正月  
至十二月

戊寅人日夜夢遊山陰道上得句云山山山半  
映紅霞覺而足成之

鑑湖夾岸是桃花一曲清波引若邪襯出越中山色好  
山山山半映紅霞

上元後四日入山探梅夜抵木瀆次早過靈巖  
山下舟中偶題二絕

冷煙濕雪作年華釀得春山白半遮趁月好攜雙槳去  
虎山橋下問梅花

提壺挈榼遠相招淺水撐篙覺路遙半嶺鐘聲一村樹



慢過九里十三橋

菖蒲潭香已菴訪艸山上人

雀啁低枝戶半開漫天雪色傍檐堆常因好句思君久  
却為梅花引我來半朶冷雲瘦景合數聲清磬暗香催  
何因作个羅浮夢月落參橫臥綠苔

晚過石樓留宿漫題二絕

花邊四望笑喧豨濼濼湖光入酒杯最是吾曹慷慨處  
孤雲落日萬峰臺

修篁高映白糝糊攀石捫蘿似畫圖客散悠然禪榻臥  
好尋春夢寄須臾

肩輿行彈山下看花至石壁用東坡次李公擇

梅花韻

山頭嵐氣開露泫花光動薄雨間尖風天公任簸弄寒  
香撲人面籃輿早蹋凍穿山如飛猱歌笑漫喧闐七十  
二峰間數年未過從健鶻摩蒼穹驚兔逝少縱石馬寒  
無聲蔓草臥翁仲東西一片白果園堪錫貢乍疑林雪  
深却怪溪雲重枝上語關關時送小鳥呀石壁矗湖濱  
孤光助唵諷忽逢相識人闌入拚飲痛遙岑分外青不  
翅秦據雍板條鶯花須醉倒甘同夢何當移萬株蟠螭  
徧栽種港水通画船石罅舞紫鞵僧寮到處尋千山遊  
脚共長嘯送飛鴻瑤琴歌雙鳳留連約桃花暫憩秦人  
洞

蟠螭山向傳  
桃花最盛

呼童荷鍤隨日抱酒一甕

自石壁至鄧尉山再用前韻

香風吹酒醒春意躍欲動林際笛聲來小樓正三弄青  
青草牙出樹色初破凍衆山圍人聲恍如鄒魯闕長旂  
峻而險木杪顧僕從紛紛魚貫上何處容操縱穹窿高  
插天勢亦相伯仲湖流更崩奔震澤傳禹貢笑指錢家  
坎一帶白雲重看花豈獨人禽鳥亦奏唳竹外低數枝  
瘦影堪嘲諷殘雪點枯藤冷香著指痛樓臺高上陳嶠  
崿訝梁雍晚鐘出樹梢驚起羅浮夢佛像金銀開柁枝  
繞闌種松下駐輕車石橋躡飛鞚笙歌間梵聲雜沓笑  
語共披尋惜忽忽到門只題鳳孤墳暮煙生未訪幽人  
洞明日儻重來登山潑春甕

登吾家山用東坡松風亭韻

千枝萬枝迷山村十里五里團香魂尖風吹冷落樹杪  
花光不夜先黃昏荒山片石平若掌指顧簇簇皆芳園  
疎林放青酒旗動白酒好買朱顏溫四山凍雲影狼籍  
明朝喜看推朝暎鄉市人稀鳥雙去落花滿地常關門  
繞枝百巾自歎息寒霜寂寂渾無言悄然下塢覓花去  
開船西崦陳金尊

附和詩

劉石齡介于

六年不踏湖邊村梅花萬樹縈夢魂明妝隔水似相  
笑野橋殘雪春煙昏吾家山頭洵花海素波白浪堆  
華園蚪柯雨蝕翠苔潤酥蕊風拆香燼溫繡花燭天

夜催曙銀湖金柱搖朱噉勝遊俯仰吒陳迹新語排  
鼻崢詞門松風子已逼坡老縱有妙境難為言小亭  
疎花未飄蕩且與爛醉雲階尊

坐法螺菴古梅下用前韻

尋花脚蹋去歲村寒山一帶真斷魂長松夾路徑犖确  
到菴香繞龕燈昏梨雲落莫喚不起啾嘈翠羽誰家園  
霜根連蜷發嫩幹蓓蕾萬點春風温法螺梅花較  
登尉稍遲鐘聲報晴  
分外響花影倒映山頭噉茶瓜清話坐半日遊人繹絡  
推蓬門彌山桃李漸放萼花匠點綴曾無言準擬重上  
旋螺頂却話今日銷殘尊

附和詩

劉石齡

碧螺旋旋何處村石苔小徑尋芳魂微颺兼引佛香  
細暝色欲上梨雲昏蜂喧鳥咽靜不到竟夕喜得依  
幽園青萍流暉月蕩漾素霓飲澗泉清温橫斜收影  
老蟾墮澹墨更寫朝林噉彈山菖蒲古潭上梅花密  
處低蓬門吾於兩地敢軒輊春松秋菊先吾言來年  
青鞵儻可辨相過次第傾山尊

和劉二介于妙巖亭看梅花再用前韻

我如凍蝶飄山村栩栩夢逐梅花魂菖蒲法螺行處住  
枯腸不飲常昏昏誰念小庭數十樹驚枝啅雀噓空園  
劉又獨立強索笑苦吟月下香微温夜深靜卧寒入枕  
詩成早擁東方噉山中人兮撲被歸清晨剝啄閭丘門

新詩研膠共屬和神來得句俱忘言昨夜樹梢月痕在  
推窗欲飲花飛尊

附原詩

劉石齡

南枝移自山南村十樹百樹明月魂悄然片石坐花  
下令我雙眼洗睡昏主人看花入山去惟有幽鳥嘯  
林園啁枝見我故不避霏霏雪落寒香溫西林蒼蒼  
尚斜照餘霞散綺疑晨暎沿流微吟寄孤賞板橋東  
去月在門白雲漠漠到殘夢此時幽思誰能言主人  
歸來豔桃李涓涓花露浮春尊

秀水訪朱檢討竹垞先生敬贈

風雅道日微俗儒見逾小百川誰障之秀水一詩老結

想廿年餘奉教苦不早昨挂吳江颿駕湖風嫋嫋入門  
書堂清圖史左右遶脫略容踈狂言旨歎深宵武庫兵  
縱橫戰舌漫自掉遺文隋劫灰有元敢搜討先生顧之  
笑局然欲絕倒出其家藏書龍宮炫海寶姓氏手編纂  
斜行雜真草云此續百家一代事可了  
先生許以家藏  
元人遺集借刊小鳥  
呀檐牙桃花映翠篠越甌泛犀液坐久日杲杲臨別意  
殷勤真率豁懷抱後會約重三吳城花更好探奇辨金  
石吟苦追郊島先生儻來過草堂話清醪

同楷亭上人訪盛宜山臥雨不值悵然有作

隨風步屨到郊園瘦竹天桃別一村野寺尋僧穿曲徑  
踈籬聽犬認頽垣春濃未改詩中澹病小差停戶外喧

聞道先生睡正穩。紅霞蒸樹不開門。

嘉善訪魏州來昆季不遇却寄此詩

風搖楊柳滿城春。穢穢權河干訪隱淪。兩世論文猶孔李。  
一村同姓是朱陳。試飛燕子知留客。解語桃花漫笑人。  
罨畫園林景色好。道人何處岸綸巾。

平湖道中二絕

桃花影接菜花畦。著麥苗風浪湧堤。半屋夕陽人跡少。  
綠楊絲裏鶉鴣啼。

細草沿籬一道斜。橫拖略約是人家。粼粼錦浪三篙水。  
撐過溪邊無數花。

舟泊桐鄉口占二絕

語兒溪畔草如茵。陌上熏風糝麩塵。急欲歸來問楊柳。  
不知綠到幾分春。

游魚唼影蹙清流。盡日殘紅打客舟。愛煞隔牆雙燕子。  
穿花落水伴人愁。

雨中自湖上步至靈隱登韜光絕頂得三絕句  
短衣拄杖當人扶。屐齒黏花印綠蕪。一幅米家山水畫。  
不將粉黛著西湖。

飛來嵌竇野雲烘。細雨無聲綠樹中。唯有冷泉石上水。  
故噴亂沫響松風。

金蓮池上弄潺湲。雨後江山指顧間。試看潮頭天半落。  
浪花低處盡青山。

題錢唐吳寶岬擁書飲酒圖二絕

開局有得輒自喜一觴獨進復中之笑渠三萬六千日  
半過狂吟痛飲時

擊節嗟哦舉白浮古今人物付糟丘十年重見圖中客

不道書淫贈醉侯

余與寶崖自湖  
上別今年矣

渡錢唐江

春江湧初日飛光如練白遙山作劍攢壁立青千尺張  
帆滌中流幾葉風索索對岸喚西興音響一水隔回望  
望江門城角聯山脊樹杪糝紅綠石根聚金碧沿江勝  
果寺但見翠煙積潮頭如長蛇隱隱起窟宅惜無千鈞  
弓誰向海門射須臾抵沙渾舟子笑啞啞犉牛如黃驢

蹋水聲拍拍登車載行李容膝苦跼踖

沿江水淺沙灘上  
悉以牛車渡人

平

地息危瀾天半橫奇石從此越中山擠破幾緇屐

過西興

青山當我前大江動我後春風吹客衣白雲落我手板  
輿才尺許端坐疑掣肘三里一茶亭石闌分左右肩輿  
置其上安若在科臼遙望炊煙青毳毳燕拂柳僕夫如  
健犢兩脚笑狂走隔樹颺酒帘請君沽一斗

望蕭山

牛車涉畏途板輿疾如矢入舟更三番游興殊未已樟  
楓皆合抱瘦影落野水雲開見青山白鳥下清泚一望  
真蕭然氣象乃有此緬懷無餘孫敗衄集營壘仰瞻已

廿年吳亡始誅詔江淮空橫行霸業今已矣山川固變  
遷林木尚芟翫舉酒酌風前船頭暮煙紫

山陰縣

千巖積蒼翠萬壑瀉碧流果然山陰道觸目是勝遊鑑  
湖繞縣郭一派良田疇山川本靈秀民俗樂歌謳鳴琴  
簾幕靜治理陳前修先君去茲邦倏忽五十秋末流務  
奢侈古道誰能留種山挂落日煙嵐漲林丘浩歌遡陳  
迹俯仰增百憂

種山

一名卧龍山越大夫文種葬處

烹狗藏弓語不誣可憐碧血裹頭顱伐吳七術成何用  
獨讓鴟夸泛五湖

戢山

晉右軍將軍王羲之故居山下有題扇橋即右軍為老姥題扇處也

繭紙入昭陵妙蹟落何處不如題扇橋名以老姥著

峽山訪何真維同年留宿即事

疊嶂層巒吐晚霞鑑湖如練見平沙青山影裏開三徑  
白水波邊聚一家

峽山村皆何姓

酒美春盤烹玉版茶清香餅啖

松花無端色變綠談虎深夜頻驚噪樹鴉

主人言峽山近日多虎

峽山行

并序

先考功令山陰時鼎革初定山賊竊發民不聊生  
而峽山一村尤盜藪也上官方議勦滅先考功馳  
詣武林請於巡撫蕭公以招撫自任遂從二小吏  
乘扁舟至峽山直入賊營諭以禍福衆皆感泣羅

拜誓為良民先考功書其名于籍給以免死牌而  
縱之復榜窮鄉諭令自新餘黨悉皆嚮化浹旬復  
命蕭公全活數萬計迄今五十年矣峽山父老為  
嗣立追述往事莫不歎歔泣下嗣立因賦峽山行  
一篇凡五百有十八字歸示子姪庶以補家乘所  
未逮云爾其詞曰

白波如鏡光新摩兩山雨洗青嵯峨綺紛阡陌接衡宇  
峽山一村同姓何我行訪友榜村口市聲風攪炊煙斜  
閭闔老幼步蹒躑太平雞犬無諠譁二三老人向余語  
銜淚敘舊雙滄沱維昔順治歲在子四海渾一收天戈  
妖氛餘孽聚山谷狐鳴梟噪張爪牙槍竿纏布白帕首

勦掠倉困喧官衙十家被害九家哭僵尸積路如亂麻  
撞金擊柝號團練兵民與盜誰分科茲地環山更險惡  
逋逃屯聚為巢窠羽書如電上州府官兵調發疊鼓搗  
昆岡火炎焚玉石吾族噍類窮奔波賢哉吾侯來何暮  
莅事三日驚傳訛侯曰此皆吾赤子縣令不救理則那  
日行三百謁開府為言若屬良民多或誑其兇或誘餌  
赦之詎即非農家一弦一矢請勿用掉三寸舌聽凱歌  
親書供狀百口保甲兵手洗翻銀河因乘扁舟從小吏  
波風吹帶紋如鞞旌杠刀槩森牆堵林巒兵氣騰谿谷  
從吏見之正股栗吾侯氣壯朱顏和爰召賊酋告之曰  
汝曹獨非人情邪紡績耕耘各有業婦依夫壻兒隨爺



奈何違性陷非僻矜凶挾狡開呀呀撐骸剗脯就屠戮  
鬼村啾唧堪咨嗟曷不從我悉歸順各安田畝閒漁蓑  
侯言未終盡感泣抱頭拜舞髮鬢髻丐女死命賜之酒  
投戈棄甲爭紛挐千村萬落夜聲靜水田但聽官蝦蟆  
迄今相距五十年生男生女攢髻了君看家家大作社  
鑄金禱祀陳華奢宗支蕃衍誰之力君家汪濊恩靡涯  
嗟余懷繡早失怙靈運述德慚么麼偶尋山水到茲地  
先君厚澤真難磨合之家乘與邑志目見奚啻百倍加  
援筆聊作峽山曲傳諸子姓千秋誇

謁禹陵

神珠入夢星飛流躬祭樞橈畫九州茲山玉帛捧萬國

雲車風纛驅驂駟官德賞功錫茅土哥嘯蹈舞旬林立  
專車一骨獨後至精血化碧埋千秋君王會計猶未畢  
胡顛鬢鬢千丈湫苗山山頭騎龍去回首大叫孤雲愁  
桐棺葦椁墳七尺相送入此深穴幽至今松檜影森立  
山魃怪鳥白日游萬山起伏勢回抱左江右海煙中兜  
鳥田方方纔踰笏

禹崩後天使百鳥還為民田至今名曰鳥田在禹廟下

菲泉活活清于油

山下有禹井曰菲泉廟門乍啓樞衣入日照繡栢迷彤髹穹碑篆文豈

禹碑文嘉靖中從長沙嶽麓書院攜歸刻石字奇古難辨成都楊慎謾譯之

千官

雁行象生動龍袞鋪藻縣珠旒聖心勤苦尚節儉加以  
雕飾毋乃羞乖龍躍水鐵索斷風牽苻帶梁間浮

廟中伐梅木為

梁張僧繇畫龍其上忽夜風雨飛入鑑湖後人見梁上水草淋漓乃以鐵索鎖于後柱今已不存

窳石疑從胚渾結古隸

難以形聲求

定石狀如秤錘上有古隸不可讀

此皆神聖設光怪流傳奇蹟

供羅菟腐儒小生窮培掘盯瞞塞耳空煩憂金簡玉字  
隋灰劫陽明洞口尋前修神功明德誰其似俎豆百世  
夫何尤魚鼈幸免食禹力敢以蚓竅鳴相酬馮高決皆  
眼底闊獨立覆鬴聊夷猶會稽山狀如覆鬴亦謂之覆鬴山試問馬遷與東  
野游興亦似今番不

### 南鎮

揚州之鎮誰為雄永興封自開元中會稽岩堯接雲漢  
羣峰如浪爭朝宗我行遶礪蹋松影萬株合抱穿青穹  
蚪龍無風自鳴嘯厓谷響應投碇墜蒼顙落水翠凌亂  
山溜激玉聲玲瓏遙望朱甍乍光炯粉牆丹柱藏蒙籠

入門陰風嘯四壁神官鬼物雕鏤工執笏張蓋見奇相  
生氣奕奕舒雙瞳庶下何曹曰掌夢勾致魂魄精誠通

廟前石碑云有把總薛某於此祈夢夢神授條印一方印一後官至副將陞總兵悉與兆合

振衣升堂默拜禱自慚

潦倒方途窮三十頭顱已如此矻矻守死書中蟲馮神  
乘雲排闥闔吉凶修短惟天工儻忽獰飈攪空谷紫赤  
怪氣重重烘香爐噴煙縮菌蠢石傘障日含腫臃香爐石傘俱峰名  
長嘯一聲出廟去碧海明滅波心紅騎龍跨鳳環珮  
合仙宮朝罷回靈宮

### 鑑湖

鑑湖三百映澄鮮吸盡羣峰落野田賀監宅邊波豔豔  
柳姑廟外草芊芊魚穿菰葉吞山影雀啁楊花撲水天

安得越溪如雪女新妝齊唱採紅蓮

吼山

我來山陰道上行游興正濃歸興急真如駿馬過花村  
佳處得一翻忘十昨宵秉燭下會稽半夜鑑湖猶鼓楫  
清晨已到曹家山洞口紅霞水面吸峭壁中流劈劍門  
日月陰森奇鬼立鑿開混沌井中天一綫春光半空入  
迴篙觸岸石控控老魚拔刺驚伏蟄繫纜行穿青棘園  
犬亭山勢更業岌何年玉筍矗靈根磔卓孤峰冷雲襲  
蒼蘚煙蘿作錦綳十丈崔嵬落原隰趙氏六陵光鬱蔥  
爛熳羣山疑拱揖日落冬青叫杜鵑氣酣一望增於邑  
忽聞巖脚鐘春鏗幾簇茆菴新補葺平鋪石几安石牀

髓滴簾泉泉眼溼

山畔樂壽園鑿石几石牀此壁有簾泉二字

匠心巧妙奪天工般

郢一去誰能及牛豕茫茫遶澗邊  
延螺小徑昏鷗集歸舟紀事賴新詩付與奚奴好收拾

柯山二絕

春樹鐘聲破綠煙画橋楊柳拂行船歸心正泊柯山下

曉月清霜想皎然

皎然柯山寺詩云古磬清霜下寒山曉月中

怪石霾雲百尺長斷碑古佛總荒涼  
世間不少知音者忍令空山嘯折筮

山上舊有柯亭即蔡中郎取竹作笛處也

牧牛圖四絕

為李掌綸題小照

鼓翅羣鷗上角飛稻畦蚱蜢撲蓑衣  
柳陰滿地眠芳草盡日無人一笛微

青麻曳鼻任僧牽溼溼垂頭過佛前堪歎王家八百里

幾曾領取瀉山禪

大瀉安公曰吾依瀉山住不學瀉山禪但牧一頭水牯牛

短衣濯足野橋東著麥苗吹澹澹風空谷料無人逐鹿

此身誰識是愚公

帶角岐蹠似也無飢齧藟豆嚼菰蒲南山白石無窮意

好引歌聲入畫圖

紺池上人以商丘公過香巖寺看菜花詩索題

奉次元韻二首

衙散行春陌城南徧菜花斷橋青漲滿野寺碧雲遮壁

挂生綃画甌嘗活火茶小桃斜更好遠近映紅霞

中丞攜小隊半日且逃禪風度真超絕清談更邈然市

聲喧晚渡野色護春煙歸路濃香發新詩就幾篇

題勞在茲画次介于韻

画工論画取形似俗筆紛紛笑坡老幽處可居平可行

誰似此君胸次好斷厓枯木明且淨輕風實葉迹未掃

片石稜稜山骨豎間以瘦竹併幽草雲掩煙岫見慘舒

就裏秋毫辨側島扁舟出沒一漁翁鼓柁悠然狎鷗鳥

公幹新詩點染工更覺筆意超象表賡餘重展便面看

一抹秋山青未了

題文南雲先生雙松圖

何人點染雙松樹垂龍舞爪驅雲霧山風謾謾翻怒濤

欲入青天留不住前朝画手推沈文待詔之後今南雲

能以性情寄筆墨遊戲尺幅成氤氲千丈生枝黛新埽  
樹底攜琴望晴昊一彈忽訝衆山鳴迸破流泉三峽倒  
山南峭石看峻嶒嵌空翠篠懸枯藤影落灣濼隨飛鳥  
蒼顙散亂疑崩奔前秋竺塢曾棲宿夾路龍蛇天半矗  
紙上馮君乞一枝夜聽蒼波碎茅屋

題木文上人鶴舟圖

霜毛弄影受風翻對立船頭浪不喧早識太湖山色好  
不教終日去乘軒

沙堡徐烈婦詩

鳩鳥翩翩挾狡呼所天一去淚模糊此情已誓同生死  
好向黃泉認故夫

頭還可斷節難更三尺羅巾送此生怨氣如山吹又積  
年來海浪不曾平

送汪廣文之任桐廬

琴書滿載遡驚湍一望桐江秋欲殘朶朶亂山濃似画  
粼粼淺水澹於官青泉瀉石猿升樹紅蓼翻波魚上竿  
騎馬醉歸饒韻事新詩題徧子陵灘

曉自上沙山莊遊白雲泉過龍門大小石屋登  
天平山絕頂望湖臺至蓮花洞小憩覓路遶澗  
歸次介于韻

山風破曉來葉葉響珠露初日罩薄雲峰尖故吞吐天  
平矗檐端岩堯引余步小徑踏茶棵沙路晴散霧松聲

亂澗泉鳥族喧古墓人行宛轉橋笑指范家圃落葉摧  
琅玕秋山覺寒素涓涓白雲泉一綫溜石乳雲水兩無  
心何煩事鎔鑄洗眼燕清甘斷碑哦舊句斗起雙龍門  
突兀勢交互徑窄風怒號頂削虹奔度鑿翠石屋開誰  
貽魏王瓠靈根託虛無投足雲礙路可憐剩殘僧有似  
窟中兔捫蘿最高頂呼吸仙翁遇湖闊青天低臺空怪  
石聚乍疑寄竿橋婀娜桔柏渡厓谷齊哈呀黯黯如欲  
暮下尋蓮花洞幽香著芒屨秋風搖夫容木末粉新傅  
相與插花歸何殊佩寶璐緩步聽細泉莫使溪行誤

附原詩

劉石齡

晨興望四山濃翠滋秋露天平峰蒼涼海日正微吐

趣飯果朝腹結韞試野步有客攜杖先彭鏗啄巖霧  
慈烏號枯叢禮鼠拱幽墓脩脩蕎麥花雪點煙外圃  
柘葉參楓林丹黃落縑素白雲尋舊泉滴滴雪山乳  
草茶發幽香無事誇日鑄雲泉本無心惆悵壁間句  
龍門路巉絕林麓莽回互雙崖鬼手劈健足飛鳥度  
嵌巖石作屋大小僅如瓠相與躋其巔密篠啓微路  
仰看望湖臺月腹翳兔兔遠公跡已杳遺事悵所遇  
山危徑逾澀風急雲轉聚澄湖覽空明孤帆來野渡  
潑墨湖外山停午色如暮徘徊蓮花洞嵐氣襲巾屨  
澗邊夫容花娉媿粉初傅歸吟白蘇子美詩空音振瓊  
璐松門苦相同涉澗行屢誤

晚度小嶺由龍池遊華山松徑次介于韻

山行爽遊目窮日孤懷騁佳處雖涉獵終勝夜燭秉杖  
藜陟陂陀瘦日澹幽境磴蘚當路滑亂石斜復整鋪白  
映蕎麥按藍綴桔梗倦脚倚顛厓彭亨漲蛙黽林聲敲  
淙琤雲勢頓勇猛風緊鳥轉疾人喧山愈靜龍池水增  
波老樹浸盤瘦意行仰看山不覺溪路永夾道列長松  
散亂蒼顛影褰衣踏日光流水涵藻荇小亭晝陰沈綠  
色變清景須眉寒森森坐久衣裳冷蓮華擁絕巘倚天  
立頑礦影落玉女盆搖蕩深淵靚臨流戲濯足奇句寧  
可省如船藕十丈敢向太華請夜月吐豔豔于焉托幽  
屏雉尾搖赤杉鴨脚落銀杏殘秋更淒涼孤影抱虛警

天池沒落日滉漾碧千頃安得上上頭決皆望諸嶺

附原詩

劉石齡

游思不可窮有足期一騁誰能間白日坐待華燭秉  
龍池至華山五里接幽境白道縈秋煙小嶺秀而整  
野花不一名紫豔饒桔梗寒湫閉陰獸俯瞰但蛙黽  
恐有靈異姿或致風雨猛中休得小亭已覺初地靜  
松櫪皆十圍根幹怒蚪瘦諸山數松徑未若茲雋永  
翠色涵秋空青天落孤影仰視碧水間浮彼藻與荇  
遊人如游魚歷歷溯清景風泉激空崖聲應玉磬冷  
想當急雨時飛雪濺幽礦鳥道洵奇絕怪石隱幽靚  
俗書敢深刻鏟滌詎可省山靈困鯨鑿吾欲血面請

陰沈紅樹林蕭條人事屏何須煩春風丹頰姹桃杏  
暮山發鐘梵昏飈助悽警窈冥蓮華峰開闔在俄頃  
無由窺天池殘日隋西嶺

綠蔭齋看古桂花作

秋光堪娛人晨夕酒是務况聞花正開折簡有不赴幽  
齋倚西郊小山桂無數入門光照眼一片黃金鍍濃香  
甜勝蜜單衣著天露車蓋更童童何年得此樹霜皮剔  
乾蘚蔥蒨葉四布連蜷盤修蛇剝落集書蠹蜂聲響半  
空疑挾風雨怒一枝分桂林腴理自天付  
前歲古桂中忽發  
一枝其色甚丹  
激景射月宮修修拂寒兔執斧吳剛愁竊藥姮娥妒前  
年到君家醉歌窮日暮今年重來看粉壁猶遭汗風塵

方瀕洞花信嗟屢度攀枝難久留後會又恐誤喚取麝  
煤濃倚闌拭輕素飲罷自吟哦折花覓歸路

題宋二山言學詩圖四絕

竹屋芭蕉覆綠苔兩生妙筆絕塵埃  
圖為禹尚基寫  
照王石谷補景無端結

个蕭疎地大小蘇還入画來

攤書覓句坐匡牀杜老欣看宗武長堪笑謝家佳子弟  
臨岐才賭紫羅囊

射鴨西陂用竹枝驪珠獨得緯蕭詞倩他更寫匡廬景

落月孤舟侍說詩

漫堂先生新刻說詩一卷內云庚申歲舟泊鄱湖月夜望匡廬與山言共作詩話

詩到綿津渤海寬望洋真覺浩漫漫傳家定有金針在  
只許侯芭紙上看



雲間高查客以送春日遊蘭亭詩四首索和即

次元韻寄之

巖巒崔萃壯樓臺丹雘初新生面開尋勝何人載酒至  
相逢都是渡江來魚跳斷澗應知樂花老繇枝漸欲頽  
手弄潺湲乘竹筏笑看陳迹共裴回

何事山陰輒逗留輸他內史逞風流淒涼繭紙昭陵蹟  
悵望鵝籠蘭渚遊健筆放懷凌鮑謝短牆縱目笑曹劉  
年來頗慣登臨興勝事全憑兩足求

小宋經營誰與攀天書親捧出朝班平鋪亂石迴環水  
點綴孤亭金碧山紅糝雲烘濃澹裏綠深風響有無閒  
花光竹影參差合萬壑千巖擁髻鬟

論文高李乍同行攜手周旋略送迎鋸玉談深超晉宋  
敲金句響挾幽并帽檐亂打憐花點衣桁頻啼見鳥情  
恰是莫春三月景谿山縹緲画難成

閻丘詩集卷十

山陰集

卷一

卷之五